

Na osnovu člana 16. stav 4. Zakona o Vladi Zeničko-dobojskog kantona -Prečišćeni tekst („Službene novine Zeničko-dobojskog kantona“ broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 104. sjednici, održanoj 07.11.2025. godine, d o n o s i

ZAKLJUČAK

I.

Daje se saglasnost na prijedlog Sporazuma o načinu isplate jednokratne pomoći u visini od 100,00 KM donatorskih sredstava krajnjim korisnicima donacije – penzionerima sa prebivalištem na području Zeničko-dobojskog kantona između potpisnika Ministarstva za rad, socijalnu politiku i izbjeglice Zeničko-dobojskog kantona i Federalnog zavoda za penzijsko/irovinsko i invalidsko osiguranje Mostar.

II.

Ovlašćuje se ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Sporazum iz tačke I. ovog zaključka.

III.

Vlada Zeničko-dobojskog kantona će po davanju saglasnosti na Sporazum o načinu isplate jednokratne pomoći u visini od 100,00 KM donatorskih sredstava krajnjim korisnicima donacije – penzionerima sa prebivalištem na području Zeničko-dobojskog kantona, donijeti posebnu odluku o odobravanju sredstava za finansiranje istog, nakon čega će sredstva biti doznačena Federalnom zavodu za penzijsko/irovinsko i invalidsko osiguranje Mostar za realizaciju Sporazuma.

IV.

Za realizaciju ovog zaključka zadužuje se Ministarstvo za rad, socijalnu politiku i izbjeglice.

V.

Zaključak stupa na snagu danom donošenja.

Broj: 02-_____/25

Datum, 07.11.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,

1x Federalni zavod za penzijsko/irovinsko i invalidsko
osiguranje Mostar, putem Ministarstva,

1x a/a.

- 1. Zeničko-dobojskog kantona, Ministarstvo za rad, socijalnu politiku i izbjeglice, ID broj: 4218335410009 kao davalac sredstava**
- 2. Federalni zavod za penzijsko/mirovinsko i invalidsko osiguranje Mostar, ID broj: 4227137790008, kojeg zastupa Halil Subašić, Mr. iur., direktor**

zaključuju

SPORAZUM

o načinu isplate jednokratne pomoći u visini od 100,00 KM donatorskih sredstava krajnjim korisnicima donacije – penzionerima sa prebivalištem na području Zeničko-dobojskog kantona

Član 1.

Ovim sporazumom se regulišu međusobna prava i obaveze između potpisnika, na realizaciji isplate jednokratne pomoći u visini od 100,00 KM donatorskih sredstava krajnjim korisnicima donacije – penzionerima sa prebivalištem na području Zeničko-dobojskog kantona, utvrđenih Budžetom Zeničko-dobojskog kantona.

Član 2.

Ministarstvo za rad, socijalnu politiku i izbjeglice Zeničko-dobojskog kantona se obavezuje da će Federalnom zavodu za penzijsko/mirovinsko i invalidsko osiguranje Mostar izvršiti prenos finansijskih sredstava u iznosu od **3.458.500,00 KM** (slovima: trimilionačetiristotinepedesetosam hiljada i petsto konvertibilnih maraka) namijenjenih za isplatu jednokratne pomoći u iznosu od po 100,00 KM donatorskih sredstava krajnjim korisnicima donacije - penzionerima sa prebivalištem na području Zeničko-dobojskog kantona po kriterijima utvrđenim u članu 3. ovog Sporazuma, na transakcijski račun broj: 102-050-00001066-98 otvoren kod Union banke d.d. Sarajevo, Budžetska organizacija 5102001, vrsta prihoda 732114, šifra općine 103, po potpisivanju Sporazuma.

Federalni zavod za penzijsko/mirovinsko i invalidsko osiguranje Mostar će realizovati isplatu jednokratne pomoći u iznosu od 100,00 KM krajnjim korisnicima donacije – penzionerima sa prebivalištem na području Zeničko-dobojskog kantona, u skladu sa ovim Sporazumom.

Ministarstvo za rad, socijalnu politiku i izbjeglice Zeničko-dobojskog kantona odgovara za sve eventualne poreske obaveze, proistekle provedbom ovog Sporazuma.

Član 3.

Pravo na jednokratnu novčanu pomoć u iznosu od 100,00 KM koju će dodijeliti Ministarstvo za rad, socijalnu politiku i izbjeglice Zeničko-dobojskog kantona, ostvaruju krajnji korisnici - penzioneri sa prebivalištem na području Zeničko-dobojskog kantona, a koji ispunjavaju slijedeće uslove:

- Primaju iznos najniže penzije koja se isplaćuje u Federaciji BiH u iznosu od 599,28 KM,

- Primaju isplatu razlike penzije u skladu sa članom 82. Zakona o penzijskom i invalidskom osiguranju („Sl. novine FBiH“, broj: 13/18, 90/21, 19/22, 47/24 i 19/25).

Pravo na jednokratnu pomoć pripada naprijed navedenim korisnicima penzije koji su zatečeni u isplati penzija za mjesec oktobar 2025. godine, osim korisnika penzije kojim će pravo na isplatu penzije prestati do obrade penzije za novembar 2025. godine, zbog zakonom propisanih razloga.

Pravo iz stava (1) ovog člana nemaju korisnici penzije koji se nalaze u radnom odnosu.

Član 4.

Ukupan broj korisnika penzija iz člana 2. ovog Sporazuma, koji ostvaruju pravo na jednokratnu novčanu pomoć, shodno kriterijima utvrđenim u članu 3. Sporazuma je, utvrđen je od strane Federalnog zavoda za penzijsko/mirovinsko i invalidsko osiguranje Mostar i dostavljen Ministarstvu za rad, socijalnu politiku i izbjeglice Zeničko-dobojskog kantona.

Član 5.

Federalni zavod za penzijsko/mirovinsko i invalidsko osiguranje Mostar, će bez naknade, nakon uplate finansijskih sredstava iz člana 2. ovog Sporazuma od strane Ministarstva za rad, socijalnu politiku i izbjeglice Zeničko-dobojskog kantona, izvršiti prenos sredstava u pojedinačnom iznosu od 100,00 KM penzionerima iz člana 3. ovog Sporazuma uz isplatu redovne penzije za mjesec **novembar 2025. godine**, sa naznakom jednokratna pomoć – donacija Vlade Zeničko-dobojskog kantona.

Član 6.

Federalni zavod za penzijsko/mirovinsko i invalidsko osiguranje Mostar će za realizovane isplate iz člana 2. ovog Sporazuma Ministarstvu za rad, socijalnu politiku i izbjeglice Zeničko-dobojskog kantona dostaviti izvještaj sa spiskovima penzionera kojima je isplaćena jednokratna pomoć po kategorijama penzionih primanja sa slijedećim podacima: ime i prezime penzionera, adresa stanovanja, PIO broj (penzioni identifikacioni broj), i iznos jednokratne novčane pomoći koju donira Vlada Zeničko-dobojskog kantona.

Ako se naknadno utvrdi da sredstva iz člana 2. ovog Sporazuma nisu dostatna za isplatu jednokratne novčane pomoći shodno ovom Sporazumu, Ministarstvo za rad, socijalnu politiku i izbjeglice Zeničko-dobojskog kantona se obavezuje da izvrši uplatu razlike sredstava na račun naznačen u članu 2. Sporazuma, u roku od 15 dana od dana realizacije ovog Sporazuma.

Ukoliko Federalni zavod za penzijsko/mirovinsko i invalidsko osiguranje Mostar ne iskoristi ukupan iznos sredstava iz člana 2. ovog Sporazuma za isplatu jednokratne pomoći, isti se obavezuje da će izvršiti povrat sredstava Ministarstvu za rad, socijalnu politiku i izbjeglice Zeničko-dobojskog kantona u skladu sa instrukcijom datom od strane Ministarstva za rad, socijalnu politiku i izbjeglice Zeničko-dobojskog kantona u roku od 15 dana od dana realizacije ovog Sporazuma.

Član 7.

Federalni zavod penzijsko/irovinsko i invalidsko osiguranje Mostar će Ministarstvu za rad, socijalnu politiku i izbjeglice Zeničko-dobojskog kantona dostaviti informacije o korisnicima koji eventualno istaknu prigovor Ministarstvu za rad, socijalnu politiku i izbjeglice Zeničko-dobojskog kantona u vezi sa isplatom sredstava koja su predmet ovog Sporazuma.

Član 8.

Federalni zavod za penzijsko/irovinsko i invalidsko osiguranje Mostar će za realizaciju ovog Sporazuma pribaviti prethodnu Saglasnost Vlade Federacije BiH.

Ministarstvo za rad, socijalnu politiku i izbjeglice Zeničko-dobojskog kantona će za potpisivanje ovog Sporazuma pribaviti prethodnu Saglasnost Vlade Zeničko-dobojskog kantona.

Potpisnici ovog Sporazuma, isti potpisuju i bez ikakvih ograničenja će ga provesti, a sve u cilju društvenog interesa, te će u tom smislu sve eventualne nesporazume u sprovođenju istog, rješavati dogovorom, a ako to nije moguće u slučaju spora nadležan je Sud u Zenici.

Član 9.

Ovaj Sporazum stupa **na snagu danom izdavanja Saglasnost Vlade Federacije BiH na isti** i sačinjen je u 6 (šest) primjeraka, od kojih po 3 (tri) primjerka zadržava za svoje potrebe svaka od potpisnica Sporazuma.

**Federalni zavod penzijsko/irovinsko
i invalidsko osiguranje Mostar**

**Vlada Zeničko-dobojskog kantona
Ministarstvo za rad, socijalnu politiku
i izbjeglice Zeničko-dobojskog kantona**

DIREKTOR

MINISTAR

Halil Subašić, Mr. iur

(po ovlaštenju Vlade Zeničko-dobojskog kantona)
Antonio Šimunović

Br: FZ3/1-4-7-773/25
Datum: 06.11.2025. godine

Br: 09-30-19760-3-1/25
Datum: 06.11.2025. godine